



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXIV. ad annum CCCXLVI.

Parisiis, 1644

Epistola Constantini De Synodo Tyri Celebranda.

urn:nbn:de:hbz:466:1-15072

tum cœtum facrorum virorum, qui sub tua iurisdictione est, nos & qui nobiscum sunt salutamus, &c, cum primum Deus permiserit, excurram ad tuam humanitatem. Valere te ex opto multis temporibus, pontifex beatissime.

EPISTOLA CONSTANTINI
DE SYNODO TYRI CELEBRANDA.

Victor Constantinus Maximus Augustus ad sanctam Synodum Tyri congregatam.

ERAT fortasse consentaneum, & ad præsentis temporis opportunitatem maxime accommodatum, carere omni contentione ecclesiam catholicam, & Christi seruos ab omnibus rixis solutos ac liberos esse. Sed quoniam nonnulli sceleratae cuiusdam contentionis furore incitati, ac (ne quid grauius dicam) vitam sua professione indignam agentes, omnia turbare & miscere conati sunt, (quod scelus super omnem calamitatem mihi sane positum esse videtur) propterea vos vestra (vt est in prouerbio) sponte currentes hortor, vt nulla interposita mora, sed omni qua possitis celeritate, in unum locum confluentes, Synodum instituatis, & egentibus opem feratis, in periculo positis fratribus medicinam adhibeatis, diuulsa membra ad consencionem reuocetis, errata omnia in terea emendetis, dum ipsum tempus ferat: vt hisce tantis prouinciis quæ maxime decet concordiam restituatis, quam paucorum hominum deleuit arrogantia. Nam hoc & Deo totius huius vniuersitatis Domino gratum, & nobis quavis re vel optatissima magis iucundum, & vobis ipsis, si concordiam & pacem reuocaueritis, magna gloriae, vel omnium mortalium iudicio consensuque futurum, plane arbitror. Nolite igitur cunctari, sed acerrimo studio his quibus decet terminis præsentes controvierias definite, vt pote qui cum omni puritate & fide coi stis, quam in omni cœtu prope clarissima voce Saluator noster, cui seruimus, in primis flagitat. Nihil vero, quod est nostrarum partium, nostræque prudentiæ, deerit: nam quæ literis mihi vestris significasti, omnia curauit: scripsi ad quos volebatis episcopos, vt vestras curas & solicitudines præsentia & laboribus suis adiuuarent.

ANNO
CHRISTI
335.

Misi etiam Dionysium consularem, ut omnium rerum gerendarum eos admoneat qui vestrae Synodo adesse debent, maxime vero, ut idem animaduersor sit & custos conseruandæ æquabilitatis & ordinis. Quod si quis (quod equidem non futurum arbitror) reiecto & sperto mandato nostro adesse noluerit, delegabimus aliquem, qui regia illum auctoritate in exilium eiectum docebit, hominem minime decere summi imperatoris præceptibus ad tuendam veritatem editis repugnare. De cetero vestrae sanctitatis partes sunt, non odio, vel gratia villa, sed consentientibus studiis, secundum ecclesiasticam & apostolicam regulam, omnibus erratis errore aliquo admissis propriam curationem adhibere, ut omni aliena contumelia ecclesiam liberetis, & meas curas alleuetis, & rebus turbatis per vos constitutis maximam vobis ipsi gloriam comparetis. Deus vos conseruet, fratres dilecti.

Epiſtolam synodicam Conciliū Hierosolymitanū, qua continentur acta huius Conciliū, habes infra, eodem Concilio.

EPISTOLA SIVE LIBELLUS

SYNODO TYRIÆ OBLATVS A QVADRAGINTA

septem orthodoxis Ægypti episcopis, qui cum Athanasio Tyrum venerant ex Ægypto.

Episcopis Tyri congregatis dominis preciosissimis, bi qui cum Athanasio ex Ægypto ad Concilium conuenere, in Domino salutem plurimam dicunt.

NON arbitramur vltterius Eusebii, * Theognii, Maris, * Theognidis, Narcissi, Theophili, & Patrophili confirationem incertam dubiamque haberi. Principio quidem omnes reclamabamus per comministrum nostrum in sacris Athanasium, ne illis, cum adeffent, causæ cognitio permitteretur; vt non ignari, vel vnius inimici præsentia, nedum plurium, iudicia turbari & laudi posse. Neque vobis in occulto est odium eorum, non solum in nos, sed in omnes orthodoxos, & quam Arianæ rei furioso & immani studio, & zelo impia eius doctrinæ omnibus immineant, & aduersus omnes conspirent. Hic tamen nos veritate freti, vbi Meletianorum calumnias refellere cuperemus, nescio quibus artibus Eusebiani nostros conatus interturbare